



Concentraziun schluccada e scuntrada multifara

Il curs da stad è sa cumprovà. Mintg'onn m'allegrel jau sin in program variant al curs da stad grischun. Senza il sforz dal mintgadi tanchesch jau là ideas, gjaud las scuntradas multifaras e profitesch da la purschida – e quella è pelvair fitg gronda.

Ins po tscherner tranter differentes champs. Quai è la pli gronda sfida tar l'inscripziun. Vi jau insatge da la sparta pedagogia e psicologia, lingua e medias, musica e moviment, scola e professiun u simplamain furmaziun ed art? La stad passada hai jau chattà in curs adattà da quindesch dis. Ils participants èn stads zunt empernaivels ed amiaivels e quai m'ha plaschì. Perquai visit jau dapi lura da temp en temp il curs da diplom per menturas. A chaschun da las scuntradas hai jau pudì far stretgs contact e chattar buns amis, ed ultra da quai hai jau emprendì ch'i vala la paina dad investir temp liber per amicizias custavlas. Cun in surrir palandrel jau mintgamai en direenziun da la Scola auta da pedagogia dal Grischun. Mintga giada ma regord jau d'experienceschas e d'eveniments positivs, ma era negativs dal temp a l'anteriura Scola da dunnas dal Grischun. Durant la scolaziun avess jau bunamain bittà tut dal tempel en (quai fiss in tema per la proxima istorgia). Oz, set onns suenter mes diplom, sun jau leda d'avair persequità resolutamain mia finamira. Gist ussa enclegel jau era mes surrir sin fatscha, cura che jau chamin mintgamai al curs da perfecziunament. Igl è in surrir da luschezza, d'allegria, da plaschair, curaschi, segirezza e da confidenza. Sche jau fiss uss in pau sentimentala, curissan larmas da legria a mai giu per las vistas. Quai succediss forsa, cura ch'il sulegl giess da rendì, ma betg ussa, cura ch'el leva. In bel di cumenza! Ed en curt ha lieu il proxim curs da stad, juhu! juhui!

Sibylle Pfiffner